



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXXXVIII. ad annum MCCCCXL.

Parisiis, 1644

Decretvm Concilii Basileensis electionis Florentiae, &c. pro transferendo
eodem Concilio.

urn:nbn:de:hbz:466:1-15490

brari. Quodque imperator & patriarcha, & alii Græci præfati, iuxta capitulata & decretata huiusmodi, nec non omnes & singuli allii cuiuscumque gradus, status, dignitatis vel præminentiae existant, qui generalibus Conciliis de iure vel consuetudine interesse debent, etiamsi pontificali dignitate præfulgeant, ad illud debeant & teneantur, maxime pro consummatione tam salutaris operis, accedere & conuenire. Et hanc præmissam nominationem & electionem vult, statuit & decernit hæc sancta Synodus, ut sit firma, inconcussa & inuiolabilis, quacumque alia modificatione, ordinatione, dispositione, nominatione, seu electione per ipsum sacrum Concilium, seu alium, vel alios quacumque auctoritate, etiam papali fungentes, in contrarium facta, seu factis, minime valitura, seu valitudo. Datum Basileæ in sessione publica huius sanctæ Synodi in ecclesia maiori Basileensi solenniter celebrata Nonis Maii, anno a nativitate Domini 1437.

Contra quod decretum reclamarunt, & expresse de nullitate protestarunt oratores imperatoris & patriarchæ Græcorum: quorum protestationem inserit Eugenius papa in sua constitutio-

^a Num. 4.

^b 412.
^c Has Eugenii
constitutiones & acta
Concilii vidi
etiam in bibliothecis e-
minentissimi
cardinalis Bi-
ficie, & collegii
Capranicen-
sis de Vibe,

nne ^a infra recensenda. Sanior vero pars eiusdem Concilii in executionem primi decreti nominauit & elegit Florentiam, aut Vtinum in patria Fori Iulii, seu aliam ciuitatem in Italia, ut saepe affirmat Eugenius in sequentibus constitutionibus. Ipsum vero decretum habemus desideratum, ex Vaticano codice ^b, ex quo & pleraque constitutiones Eugenii ^c infra recensendæ sunt desumptæ, hic subiicitur.

DECRETVM CONCILII BASILEENSIS

electionis Florentiæ, &c. pro transferendo eodem Concilio.

*Sacrosancta generalis Synodus Basileensis in Spiritu sancto legi-
time congregata, uniuersalem ecclesiam repræsentans,
ad perpetuam rei memoriam.*

Num. II.

HÆC sacrosancta Synodus inter suæ congregationis Exordia, vt ea, pro quibus generalium Conciliorum celebratio dignoscitur instituta, Spiritus sancti assistente gratia, opere completerentur, summam diligentiam ad con-
tinuan-

ANNO
CHRISTI
1438.

tinuandam inter populos occidentales & orientales vniōnem adhibuit, vt sicut ex longo dissidio Dei ecclesia innumerās perpessa est calamitātes, ita ex fraterna vniōne maximum assequeretur profectum, proinde Constantinopolim ad hoc sanctū promouendum opus oratores transmisit, quibus vna cum solennib⁹ ambasiatorib⁹ ferenissimi imperatoris Romæorum & venerabilis patriarchæ Constantinopolitani huc redeuntib⁹, habitis super hoc multis tractatibus, maturaque deliberatione, tandem certa capitula inter hoc sacrum Concilium & ipsos ambasatores concordata, & per decretum & publica sessione firmata extiterunt. In quibus eadem sancta Synodus ex tam sancto negotio ad destinandum Constantinopolim oratores suos cum quibusdam pecuniarum summis, & duabus galeis grossis, duabusque subtilibus, & trecentis balistariis, infra certum tempus, ac per eosdem, vnum de locis in decreto comprehensis pro œcumenico Concilio nominandum, in quo imperator & patriarcha cum septingentis personis, pro hac sancta vniōne complenda, nobiscum conuenirent, obligare se voluit.

Cum autem tempus ista exequendi in foribus infestet, cupiens haec sancta Synodus suis penitus pollicitationibus satisfacere, & tam pium negotium, quo hoc tempore salubrius excogitari nequit, totis viribus ad optatum finem perducere, ad hanc in suis disputationibus, & deinde in generali congregatiōne conclusionem déuenit, vt videlicet ciuitas Florentina, aut Vtinum in patria Fori Iulii ponenda in manu Concilii, seu quicunque alias locus tutus in decreto comprehensus, summo pontifici & Græcis accommodus, pro œcumenico Concilio eligatur; ille videlicet de prædictis, qui citius parauerit & expedierit galleas, pecunias & alia necessaria, datis etiam securitatibus necessariis. Portus autem sit Venetiæ, Rauenna, aut Ariminum; ille videlicet ex iis, quem imperator & patriarcha Constantinopolitanus maluerint. Item ne clerus grauaretur incassum, decima nec decretaretur, nec exigetur, vsquequo Græci ad vnum de prædictis applicuerint portum. Quodque per totum tempus in decreto comprehensum in hac ciuitate sacrum remaneat Concilium, & vt legati ac præsidentes apostolicæ sedis, vocatis pa-

Concil. Tom. 33.

B

IO EVGENIVS C. FLORENTINI ALBERTVS II.
P. IV. IMP.

tribus, de quibus eis visum esset, oratores ad conducendum Græcos & præmissa exequenda eligant, qui omnem instantiam pro hac ciuitate Basileensi facere debeant.

ANNO
CHRISTI
1438.

Vt igitur semper, diuina gratia assistente, præmissa omnia & singula debitum sortiantur effectum, in hac publica & solenni sessione hæc sancta Synodus præfata conclusionem vult, statuit, declarat esse firmam atque validam, tenendamque & exequendam; cassans, irritans & annullans, cassumque, irritum & nullum esse decernens quidquid a quoquam, & etiam quibuscumque factum vel actum sit, vel in futurum fieret, vel attentaretur aduersus prædicta, seu dependentia ab eis, vel quod eorum executionem posset quomodolibet impedire: volens, vt ad prædictorum executionem prædicti apostolici legati ac præsidentes quascumq; literas oportunas sub bulla Concilii in forma debita confiant, & alia quæcumque huic sancto negotio necessaria vel accommoda expediant.

Datum Basileæ in nostra solenni sessione in ecclesia maiori celebrata Nonis Maii, anno a nativitate Domini millesimo quadragesimo trigesimo septimo.

Ego Oddus de Varris apostolicæ sedis protonotarius præmissis decretationi & decreti publicationi, omnibusque aliis & singulis, dum sic, vt præmittitur, in publica sessione in maiori ecclesia Basileensi solenniter celebrata fierent & agerentur, præsens interfui, & ea omnia fieri vidi & audiui, & in fidem omnium & singulorum præmissorum rogatus & requisitus, me in hoc publico decreto subscripsi, ipsumque signo & nomine meo solitis & consuetis signau. unus in eis obiectus est

Ego Ludouicus de Roma apostolicæ sedis protonotarius præmissis decretationi & decreti publicationi, omnibusque aliis & singulis, dum sic, vt præmittitur, in publica sessione in ecclesia maiori Basileæ solenniter celebrata fierent, præsens fui, & ea omnia ita fieri vidi & audiui. In fidem autem præmissorum rogatus, in hoc publico decreto me subscripsi, illudque præsenti subscriptione a consolito signo signau. unus in eis obiectus est

Et ego Georgius Frey de Vilshouers clericus Patauensis diœcesis, publicus imperiali auctoritate, nec non dictæ sacrosanctæ generalis Basileensis Synodi notarius, qui

ANNO CHRISTI 1438. in omnibus & in singulis præmissis, dum sic, ut præmittitur, in dicta publica sessione agerentur & fierent, vna cum reuerendis patribus dominis protonotariis sanctæ apostolicae sedis suprascriptis interfui; ideo me huic præsenti decreto subscripti manu propria, vna cum signeti mei appositione, in testimonium huiusmodi publicationis rogatus & requisitus.

Et ego Giselbertus Bonnere, alias Karoum clericus Tornacensis dioecesis, publicus apostolicae & imperiali auctoritate, dictæque sacrosanctæ generalis Basileensis Synodi in eius sacra deputatione reformatori notarius, prædictis decretationi & decreti publicationi, omnibusque aliis & singulis præmissis, dum sic, ut præmittitur, in dicta sessione publica in maiori ecclesia Basileensi predicta solenniter celebrata fierent & agerentur, vna cum dominis sedis apostolicae protonotariis & notariis præscriptis præsens fui, eaque sic fieri vidi & audiui; & idcirco huic decreto signum meum solitum apposui, meque hic subscripti rogatus & requisitus in fidem & testimonium omnium præmissorum.

Mirum sane, quomodo hæc duo decreta adeo discrepantia sint Num. III.
data in eodem Concilio, eodem anno, & die, & sessione: utrumque enim datum legitur Nonis Maii 1437. in publica sessione,
ut omnino error videri possit in Datis. Sed rem gestam narrat Augustinus Patricius Senensis in summario actionum Concilii Basileensis ab eo composito iussu Francisci cardinalis Piccolominei, anno 1480. quod manuscriptum extat in bibliotheca Vaticana. Ex quo etiam intelligitur, cur Græci recusarint adire Sabaudiam,
ad ultimum in primo Basileensi decreto nominatam: sic enim ait sessione 25. & 26.

Magna per hoc tempus inter patres Concilii dissensio orta est, ingensque & periculosa seditio. Nominauerat si quidem maior pars patrum pro loco oecumenici Concilii cum Græcis celebrandi Auenionem, Basileam & Sabaudiam, praesidentibus Concilii & legatis apostolicis frustra reclamantibus. Aduenerunt & legati Græcorum, qui acriter conquerebantur, conuenta non seruari, quando Auenio & Basilea in decreto concordiae nominata non essent: dure autem nimis agi secum, si Sabaudiam Græcos petere velint, quoniam sit in decreto, cum Græci ad ultimum in primo Basileensi decreto nominatam: sic enim ait

Concil. Tom. 33.

B ij

Quomodo
duo decreta
contraria in
codem Concili
lio Basileensi
eodem die
sint fallit.

mum dixerint Sabaudiam, quasi aliis deficientibus: & cum etiam intelligerent pro Sabaudia aliquem locum Italæ duci Sabaudia subiectum, Græcorum imperatorem & patriarcham, plerosque alios prælatos & proceres esse annis & valetudine graues, neque illos posse Alpes superare, ut Sabaudiam petant, neque etiam ob longum iter eis esse facile aut tutum petere Auenionem, Turcis eorum Vrbem assidue infestantibus.

Tandem bonorum opera, dissidentes his legibus in concordiam tunc venere publico consensu, si Auenionenses intra dies x x x. promissum mutuum septuaginta millium aureorum numerata pecunia non soluerint, & intra alios xii. dies se id integre perfecisse patres legitime non docuerint, Concilium possè & teneri procedere ad electio- nem alterius loci. Appetente huius termini fine, Auenionenses paratam pecuniam habere se affirmant: sed, antequam mutuum faciant, petunt ut publico Concilii decreto firma electio de Auenione fiat; portus vicinus nominetur, decima statuantur, quarum pecuniae simul cum his quæ ex indulgentiis prouenient, occasione mutui sibi obligentur. Negabuntur hæc, quod præter conuenta essent.

Tandem elapslo termino triginta, & duodecim deinde dierum, præsidentes Concilii & legati apostolici conuocant patres ad nouam loci electionem, quando Auenionensis nominatio esset expirata. Secedit maxima pars patrum, quæ pontifici erat infensa, & Concilium in Italiam nullo pacto volebant. Hæc factio ex vili plebe magna ex parte constabat, quamuis ducem haberet cardinalem Arelatensem, & nonnullos alios prælatos. In alia parte, sanctæ Sabinæ, qui & sancti Angeli dicitur, & sancti Petri ad vincula, cardinales erant, & plerique alii digni prælati, numero tamen longe superabantur. Præsidentes per illos qui conuenta seruare, & ad nouam electionem procedere volebant, cum alii vocati non venirent, primo in deputationibus, tum in generali congregatione legitime concludunt, Florentiam & Utinum in Foro Iulii ponendam in manu Concilii, seu quemicumque alium locum tutum in decreto conuentionis contentum, summo pontifici & Græcis accommodum esse eligendum pro Concilio, illum videlicet qui citius parauerit & expedierit pecunias,

ANNO CHRISTI 1438. triremes, & alia opportuna : afferunt hoc sibi licere , etiam maiore parte Concilii contradicente . Quod cum ipsa maior pars non velit conuenire ad electionem, vt ex communi decreto teneretur , & terminus sit iam elapsus , vrgeatque necessitas locum eligendi, cum iam finis mensis Aprilis instet , & per totum sequentem mensem Maii oporteat secundum conuentionem & fidem Græcis datum, naues Constantinopolim appulisse ; omne ius Concilii restet in eos qui decretum Concilii exequi , & reipublicæ consulere velint : sicut si in electione episcopi intra tempus legitimum maior pars collegii eligere non vellet, minor potest eligere , & tota capituli potestas in volentiibus eligere permanet.

At pars aduersa afferens nihil decerni posse sine consensu majoris partis, acrius irritata , præsidente cardinale Arelatensi, concludit Auenionensium postulata esse admittenda: neque iis contenta, publicam sessionem indicit, vt decretum firmet. Legati vero apostolici , & qui pontificis dignitatem tuebantur, concordiam quærentes , hortantur patres, vt suæ sententiae , quæ reipublicæ utilissima esset, vellent acquiescere: si minus, communi decreto Auenio , siue Sabaudia pro Concilio eligeretur, hac conditione, vt si, adhibita omni diligentia per patres, Græci non vellent ea loca acceptare , vt protestati erant, tunc alias locus eligeretur Græcis & pontifici accommodus : & , si hoc etiam non placeret, mitterentur legati ex Concilio Constantinopolim, qui Græcos ad quamcumque Latinorum terram possent , si non , ad quam vellent, omnino deducerent ; ita vt non tam locorum vtilitas , quam Græcorum salus quæri videretur, neve ob aliquorum passiones Latinae ecclesiæ fides manca redargueretur . His tamen omnibus negle&tis atque spretis, aduersæ factiois capita clericos vndique cogunt : veniunt turmatim ex vicinis oppidis & ciuitatibus sacerdotes, & qui etiam in Vrbe patribus seruiebant , plerique & in ecclesia togati conuentientes, iussa præstabant suffragia.

Celebratur igitur xxvi. sessio magna frequentia, ma-
iorique dissensione, Nonis Maii anni salutis 1437. in qua se-
dentibus seorsum factiois, a præsidentibus Concilii &
legatis apostolicis Florentia & Vtinum decernuntur , vt

B iii

supra conclusum fuerat. Portus autem nominantur Venetiae, Arimini, Rauennae, quem malint Graeci. Decimas non ante esse imponendas statuit, quam Graeci portum Italiae appulerint, vnum de nominatis; ne si forte aliquo fato impediti non venerint, illusum sibi clerus conqueratur: Concilium interim Basilea perseuerare oportere; legatos Constantinopolim mittendos, qui haec Græcis nuntient, dentque operam si possent omni studio, ut Græcos Basileam perducant.

Electio Auenionensis. Altera factio, quæ multitudine & numero se tuebatur, eodem die & eodem loco decernit, Auenionensium postulata esse admittenda; Auenionem & Sabaudiam pro futuro Concilio statuit: portum illis vicinorem nominat; decimas & indulgentias decernit Auenionensibus concedendas. Duobus igitur decretis omnino contrariis in eadem sessione editis, crescit in dies seditio: & cum Basileenses (sic enim factio signaretur, praesidentes facto nouo decreto statuerunt, bullam Concilii cardinalis sancti Petri ad vincula archiepiscopo Panormitano & episcopo Burgensti esse credendam, qui literas decretorum ab ipsis factorum signarent, & debitæ executioni mandarent: quorum postea opera & bullæ munitæ sunt literæ, & arca, in qua bullæ seruabatur, ad sacrarium sancti Leonardi est translata: vnde maior & periculosior tumultus postea exortus est, & tandem arca ipsa multitudinis violentia ad pristinum locum reducta. Eugenius autem pontifex, qui tum Bononiae erat, instantibus Græcorum legatis, nominationem Florentiae & Utini pro oecumenico Concilio approbavit & confirmauit ad quartum Kalendas Iunii eiusdem anni.

Hæc Patricius. Eadem breuius narrat Aeneas Silvius cardinalis Piccolomineus, postea Pius II. oculatus & ipse testis, opusculo de conditione Germaniae ad Martinum Meyr, loquens de patribus Concilii Basileensis, his verbis: Cum de trahendis ad unionem catholicam Græcis tractare cœpissent, essetque illorum causa Concilium transferendum, diuisi inter se patres, alii apud Gallias Auenionem urbem pro loco futuri conuentus elegerunt, alii apud Italiam ciuitatem

ANNO CHRISTI
1438. Florentinam, Græcis qui vocabantur, procul dubio magis accommodam, vel alium in Italia locum, in quo haberi possent quæ ad rem Græcorum necessaria putabantur. Hi quamvis essent pauciores, plus tamen æquitatis præ se ferebant, iisque pontifex maximus Eugenius consensit. *Hæc ille.*

CONFIRMATIO DECRETI CONCILII
BASILEENSIS ELECTIONIS FLORENTIÆ, &c.
pro translatione eiusdem Concilii.

*Eugenius episcopus seruus seruorum Dei, ad perpetuam
rei memoriam.*

SALVATORIS & Dei nostri, in glorioso cuius ortu Num. IV. gelorum chorus gloriam in altissimis Deo, & in terra pacem hominibus bona voluntatis nuntiauit, & qui e mundo transiturus ad Patrem, tamquam in ultimis testamentum conderet, discipulis suis, quos in finem dilexit, bonum hereditarium vñionem reliquit & pacem, vices, quamquam meritis insufficientibus, gerentes in terris, pro debito oneris imbecillibus nostris humeris impositi, vnitatem in vniuerso Christianorum populo summis desideriis affectamus, ad illamque, vbi est, conseruandam; vbi vero aliqua ex parte desit, ponendam nutriendamque anhelamus.

Sane dudum adhuc in minoribus constituti attentes quot & quanta, siue bona neglecta etiam perdata sunt, siue mala in ecclesia Dei & populo Christiano prouenerunt ex diuisione orientalis & occidentalis ecclesiarum; & intelligentes, nihil esse inter alia omnia pluris faciendum, rem existimauimus dignam, cui omnes adhiberemus conatus: hinc in Concilio Constantiensi primo, deinde apud felicis recordationis Martinum V. prædecessorem nostrum pro optata huiusmodi ecclesiarum Dei vñione plurimum laborauimus.

Quamprimum vero ad apostolatus apicem assumpti fuimus, honesto illi pioque desiderio nostro debitum accessisse cernentes ex iniuncto nobis desuper curæ pastoralis officio, eam rem suscepimus ardenti animo; factumque est, vt oratores carissimi filii nostri in Christo Ioannis im-